

INUIT ATAQATIGIIT

INATSISARTUNI



UPA 2014/68

30. april 2014

Agathe Fontain

Aatsitassarsiortoqarnissaanut aammalu suliffissuarujussualiortoqarnissaanut siunissami periarfissaalersinnaasut tunngavigalugit nunatsinnut tikisillugit suliar-tortitassatut pisariaqartinneqarumaartussat pillugit ersarissaassutaasumik naliler-suinermullu atorneqarsinnaasumik Inatsisartut 2014-mi ukiakkut ataatsimiinne-ranni saqqummiunneqartussamik Naalakkersuisut nassuaasiornissaannik aalajan-giiffigisassatut siunnersuut. Nassuaammi ilaatinneqassapput isumaginninnikkut, kulturikkit aammalu ulluinnarni inuunerme kingunerusinnaasutut naatsorsuutigi-neqartut. Naalakkersuisut qinnuigineqarput nassuaat naggaserneqassasoq suli-sussanik pisariaqartitsinerup ersarissarneqarneranik tassungalu atatillugu kalaal-lit piginnaasaannut, sulilernissaminnut piareersimassusaannut aammalu nuttar-sinnaanermut piareersimassusaannut tunngassuteqartut ersarissitinneqarneran-nik.

(Inatsisartuni ilaasortat Knud Kristiansen aamma Gerhardt Petersen, Atassut)

Atassutip kissaatigaa nalunaarusiortoqassasoq, ersarissaasumik nalilersuinissamut atugassa-mik. Tamanna Inuit Ataqatigiinnit taperserparput.

Nunatta aningaasaqarnera ernumanartumiimmat tamatta ilisimavarput. Ullumikkut anin-gaasanik isertitsiviusartut saniatigut aatsitassarsiornikkut tapertaqartariaqarput. Ilisimassa-varpulli aatsitassarsiornernakkut aningaasatigut ajonartorsiornerpuit qaangernavianngin-natsigu.

Atassutip siunnersuuteqarnerminni oqaatigivaat; nunarput avataaneersunik "tikerapiloor-neqalerpat" nunap inoqqaavi ikinnerulersinnaanerat ernumagineqarsinnaasoq.

Inuit Ataqatigiinnit taamaammat inatsisitigut tamatigut piareersimanissarput pisariaqr-liunnartutut isigaarput. Inatsisitigut ajornartorsiutaasinnaasutut taaneqartut piareere-simaffigisariaqarpagut

Soorunami suliffiit nutaat pilersinneqartut sapinngisaq tamaat naapertorlugu nunatsinnit suliffissaaleqisunik inuttalertariaqarpagut. Taamaammat aamma taakkunuunatigut piareer-sarluarsimanissarput pingaruteqarpooq. Ilisimasariaqarparput ullumikkut suliffissaaleqisut akornanni, ingerlaannartumik sulisinnaassuseqartut aatsaat immikkut iliornikkut ingerlaan-nartumik sulisinnaassuseqalersinnaammata.

Nalunaarusiat assigiinngitsut arlalissuit pigaagut, taakkulu atorluarlugit nassuaatinik katiterisoqartariaqarpooq, siunnersuuteqartut Atassutip ilaasortaatitaasa siunnersuutaat piviusunngortillugu.

Taamatut oqaaseqarluta siunnersuut akueraarput.